





ABEISA HUN PAN PILNATE






"I pu i pate in hong gensa, eite in i zaksa le i theihsa, tanglai a thuthukte ka hong genkhia ding hi. Hih thute, i tate tungah eite in immlo in a hong piang lai ding khang thakte tungah Topa' minthang nasepna, ama' vangliatna ama' sepsa na lamdangte i gen ding hi" (Late 78:3, 4)



A beisa hunte tawh kisai late in Israel mite' tangthu ah a thu piangte pulak hi. Adiak diak in Egypt gam pan amaute Pasian in a makaih kiat na thu hong telsak nuam hi.

Amaute-in ei' tungah tangthu mawkmawk hong gen lo-in, a piang taktak thu ahi hi. Mite-in a langpan' uh hangin, Pasian in amaute a hun simin maisak in, amaute' adingin a sepsak tawntung hi. Langpan nate om mah taleh Kanaan gam ah amaute bittakin a teengsak hi.

Ama Kammal sungah Pasian hongpiak kamciamte-in tang'tung pel mawh ding ahihna Pasian mite' tangthu in taci honglak hi. Hih in Pasian ii thutan'na tawh leitung thak ah daihna gam a phut dingin Kris nihvei na hongpia kik ding kamciamte le tu laitak mimal kim hong kepna tawh Pasian' kamciamte a nih in kihel hi.



✓ Mihingte' langpan'na (Late 78).

✓ Pasian' sepna (Late 105).

✓ Kisikkikna (Late 106).

✓ Pasian mai'tang taangkhia (Late 80).

✓ Khangthute' Topa (Late 135).

MIHINGTE' LANGPAN'NA

"Ahi zongin ama tungah amaute khial lailai uh a, Sehnel gamsungah Sangpenpa a lehpan' uh hi."
(Late 78:17)

David thupiakna tawh, Asaf in Levi mite kiangpan makai dingin teelna ngah hi (1Khang. 15:1-4, 16-17; 16:4-5, 37). Amah le a tate in kamsangte hi-in late a aat uh hi (1Khang. 25:1). Late 78 sungah, Asaf in eite' tungah a thu pi theihsak nate hilh ding geelna in Paikhiatna panin David hun dong khangthute a gen kik hi (Late 78:2).

Late 78:1-8

Late i deihna in
Pasian in a mite koi
bangin lamlak cih
phawk nadingin le
eite' phat taakcing
ahihna phawk ding
hong pulaak hi.

Tanglai pupate
bangin langpan' na
a omloh nadingin
eite-in i tate tung
ah hoih takin i hilh
ding ahi hi.

Late 78:9-54

Pasian in Egypt gam ah
gimna tung sakin, tuipi
khen kham' in, sun in
meii pi le zan in mei',
Suangpi panin tui phul
khia sak na tawh a ompih
na lak hi.

Pasian in amaute' nek
dingin sa le anlum pia
thei ahihlam mite-in a um
kei-uh hi.

Amaute-in langpan' uh
hangin, Amahin amaute a
susia kei hi.

Late 78:55-64

Pasian in tua
khua panin
pai khia sak
a, Kanaan
gam a luah
pih hi.

Ahizongin
amaute in
langpan' kik
ahihmanin a
galte' khut
sung ah aap
kik hi.

Late 78:65-72

Atawpna ah, Pasian in
David tung tawnin Ama'
mite a honkhia kik hi.

Amahin ama' tuute a
cing ding tuucing a sam
hi. Judah' khut sungah a
lum koih in Jerusalem
pen khuapi dingin a teel
hi.

Langpan'na a om hangin,
Pasian in tua hun in citak
in, tuni don mahin a
citak lai veve hi.

PASIAN' SEPNA

"Topa tungah lungdamna ko-in, ama min phat unla, ama sepnate khempeuh mite lakah kitheisak un."

(Late 105:1)

Late 105 in mihingte' khialhnate a pulaak kei hi. Kanaan gam a luah dingin Abraham tungah piak kamciam tungtawn in a lamdang Pasian sep nate kilangh hi (Late 105:11, 44).



Pasian in Abraham, Isaac le Jacob te tawh kiciamna bawl (v. 8-11)



Khangtu te phawk na-in ngiimna nei hi:
Pasian i phat tawntung hong suaksak hi.
Tangtu te i phawk kik laitak in:

↗ Pasian phat in a lamdang Ama thu te genkhia ding (v. 1-2)

↗ Eite-in Pasian vangliatna sungah lungdam in i kipak hi (v. 3)

↗ Pasian i zong ding hi (v. 4)

↗ Eite-in Pasian' thukhenna i mang ngilh kei hi (v. 5-7)

↗ Ama thukham te i kemcing hi (v. 45)



Amah in amauta a thaneem hun ciangin daal hi (v. 12-15)

Josef tungtawn in Israel mite kialpi pan honkhia (v. 16-24)




Sila dinmun a tun laitak un, amah in Moses sawl in Egypt gim'tuak sak (v. 25-38)

Amah in Israel mite sehnel gam panin Kanaan gam ah tonpih (v. 39-44)



KISIKKIKNA

"Ka pu ka pate uh a kipan kote ka khial khin uh hi. Mawhna ka bawlkhin uh a, ka gilo gamtat khin uh hi... Ahizongin amah in a lian mahmah a vangliatna a kitheihsakna dingin ama min a ngaihsutna-in amaute a honkhia hi." (Late 106:6,8)





Israel te' tangthu in ei mimal khatsim ii tangthu bangin mawhna le kisikna i thu hi.

Late 106 ah Israel mite in mawhkhialhna abawl simin thaman thuak kha mah taleh Pasian' hehpihna hangin noptuam a-ngahna a pulaak thu ngaihsun pha in (Late. 106:7-8). Pasian in amaute maisak in.... hun ciangtan khat sung mang dingin hong kileh uh hi (Late 106:12-13).

Moses le Phinehas-te thuum sakna in eite ading in Zeisu hong thuum sakna tawh kibangin ong kilangh sak hi (Late 106:23, 28-31).

Ahizongin Pasian' lungduai na in ciangtannei hi. Mite-in a phut teitei uh ciangin, amahin sila din mun tun hi. Ahizongin, sila dinmun atung hang in Pasian in a hehpihna lak hi (Late 106:39-46).

Eite in Pasian kiang ah mai sak nading i ngen thei a, Ama' kiang pan suahtakna i ngah theih na thu in hong lung muang sak hi. Tua bangah atawntung in i phat ding hi (Ps. 106:47-48).




PASIAN MAI'TANG TAANGKHIA

"Ka ngei-uh hong bangsak kikin, Pasian aw. Kote hong kihotkhiat theihna dingin na maitang hong taangsak in" (Late 80:3)

Late bu sungah, a tuam diak mahmah late i mu thei hi: Late 80,
thu gentehna-late.

Israel mite in Egypt gam pan in Pasian in atuah khiat leenggui
tawh genteh in, Kanaan gam a kisuan, Mediterranean pan in
Euphrates dong zaam khai hi (Ps. 80:8-11).

Ahizongin Pasian in leenggah huan koih
dap in, a galte huan sung lut in suksiat
ding phal hi (Late 80:12-13).



Tua thu hangin, lateaat pa in "Israel te' tuicingpa" kiang ah tho-a a
hotkhiat ding lunggulh hi (Late 80:1-2). Pasian in a thuumna za in, a
gamdaai leeng huan ah a mai'tang taang sak hi (Late 80:3, 7, 14, 19).

Amai a taang hiam? Tua in bang a ci nuam hiam?

A hehpihna lakin a daihna a piak ciangin Pasian in eite adingin a mai
hong taan' sak ahi hi (Gam. 6:24-26).



KHANGTANGTHUTE' TOPA

"Vantung le leitung, tuipi le a thukna sung khempeuh ah Topa in ama ut peuhpeuh a bawl hi." (Late 135:6)

A hoihna le vangliatnate hangin
Pasian i phat hi (Late 135:1-5)

Pasian in a hoih
na le vangliatna
koici lak hiam?

Piansakna
sungah

Paikhiat
hun ah


Kanaan a
luahna
sungah

Late
135:6-7

Late
135:8-9

Late
135:10-12

Pasian in eite pen a hehpihna tawh thu hong
khen ding ahih manin amah i phat hi (Late
135:13-14)



Piansakna le tangthu ah Pasian' vangliatna in leitung ah
tehpih omlo ahih manin, Pasian mite in Amah muang in
Amah bekmah biak huai hi. Ei hong Piangsakpa le hong
Honpa ci-in, Amah bekmah biak ding ahi hi.

“Pasian in a mite tawh kizopna ah tatsat lo-in sam phapha hi. Tanglai Israel te tawh kizopna ah Pasian in ciangtan ciaptehnate bangci bang hun ah hiam! Amaute in a beisa tangthu te mangngilh in, nu le pa te-in tate tungah thuhilh na in hih thute la in a phuak ding Moses tungah a pulaak hi. [...] Hih khang a om Ama mite adingin Topa in a lamdang Pasian a sepna kilangh sak hi. A beisa hun a Pasian hong ompihna thu pen, khangno le khangham te theih dingin pulaak zelzel ding kisam hi. Eite in Pasian hoihnate sim zel zel ding le a lamdang Ama’ sepnate ading in Amah i phat ding kisam hi.”

EGW (Testimonies for the Church, volume 6, page 364)